

左大臣宣奉勅依請四畿內同准此

天長二年閏七月廿二日

〔享祿本類聚三代格〕太政官符應定新置介掾公廨田事力分法事

甲斐 能登 丹後 石見 周防 長門 土佐 日向

右八箇國介公廨四分公廨田一丁六段事力五人

飛驒

右一國掾公廨三分公廨田一丁三段事力四人

以前得能登國解備被太政官去年六月二日符備依太政官去三月九日奏新置介員延曆十二年二月十五日格云和泉伊豆甲斐安房能登石見周防淡路阿波土左等國司公廨守五分掾三分又案令云公廨田大國守二丁六段上國守大國介二丁二段中國守上國介二丁下國守大上國掾一丁六段中國掾大上國目一丁二段中下國目一丁軍防令云給事力大國守八人上國守大國介七人中國守上國介六人下國守大上國掾五人中國掾大上國目四人中下國目三人者案件格令未見中國介之分法謹請官裁者官判新置介掾諸國宜同依件行之

貞觀八年三月七日

〔三代實錄清和〕貞觀八年三月七日癸未太政官判定新置介掾諸國公廨田事力數甲斐能登丹後石

見周防長門土佐日向八箇國介給公廨四分公廨田一町六段事力五人飛驒一國掾公廨三分公廨田一町二段事力四人 閏三月五日庚戌加賀國司言居住國內之輩便任國司并士民爲博士醫師者二箇年間不給事力勅許之但得試之人不在此限

〔享祿本類聚三代格〕太政官符

一可停給國司已下到任之後留京者事力公廨田事